

## OKVIRNI PLAN RADA EKO FORUMA ZA 2023. GODINU

1. Tokom 2023. godine nastavlja se realizacija ranije započetih i novih projekata, kao što su:
  - Nastavak projekta "Eko HUB Zenica" u okviru projekta "Misli o prirodi!" koji finansira Švedska a realizira CPCD
  - Projekat "Analiza rada i transparentnosti okolišnih inspekcija u Bosni i Hercegovini" iz grant podrške u okviru projekta *Support to Civil Society in the Western Balkans* finansiranog od strane *National Democratic Institute* (NDI) sa partnerima CPRC Sarajevo, Centar za razvoj civilnog društva u BiH Doboj, i CIN Sarajevo
  - Projekat "Mjerenje PAH i VOC za genotoksikološki monitoring" iz grant podrške Response hub finansirane od strane Evropskog fonda za Balkan (EFB) iz Beograda.
2. Ukoliko obezbijedimo finansiranje, učestvovaćemo i u sljedećim projektima za koje smo pripremili ili pripremamo aplikacije:
  - Projekat "Eko BiH mreža" iz granta za zagovaračke mreže u okviru projekta "Misli o prirodi!" koji finansira Švedska a realizira CPCD, sa partnerima: Centar za ekologiju i energiju Tuzla, Centar za životnu sredinu Banja Luka, Udruženje "Resursni Aarhus centar u BiH", Eko akcija Sarajevo, i Green team Novi Grad
  - Aplikacija na poziv EU4CS - Support to existing and newly established Civil Society Organisations' networks EuropeAid/176421/DD/ACT/BA, Lot 7: Support to CSOs networks and cooperation in the area of environment and climate change, sa partnerima – 4 Aarhus centra u BiH.
3. Najavljena je dalja podrška OSCE na jačanju kapaciteta našeg udruženja i djelovanje kroz mrežu Aarhus centara BiH.
4. S obzirom da je i dalje gorući problem zaštite okoliša u Zenici rad postrojenja ArcelorMittal Zenica, i u narednom periodu bićemo aktivno uključeni u proces praćenja realizacije obaveza iz okolinske dozvole i obnove vodne dozvole.
5. Imajući u vidu najave zatvaranja industrijske deponije Rača, treba započeti kampanju za sanaciju i rekultivaciju tog područja.
6. Namjeravamo jačati uspostavljeni dijalog i saradnju s Vladom ZDK i Ministarstvom za prostorno uređenje, promet, komunikacije i zaštitu okoline. Učešćem u radu radnih grupa za praćenje realizacije akcionih planova nastojaćemo dati doprinos u ovoj oblasti.
7. Kampanju za odustajanje od izgradnje HE Janjići ćemo nastaviti kampanjom za brisanje hidroelektrana iz prostornih planova, uključujući i MHE Bilješevo.
8. Namjeravamo i dalje jačati Aarhus centar kao instrument za učešće javnosti u odlučivanju o okolišu, ali i kao sredstvo za ostvarivanje vizije, misije i postavljenih ciljeva u Strateškom planu koji smo razvili uz podršku Misije OSCE u BiH.

U Zenici, 9.3.2023.g.

predsjednik udruženja Eko forum Zenica  
Zlatan Alibegović